

唐

音

統

籤

乙籤八十

唐音統籤卷六十七

張說字道濟

一字說之

洛陽人弱冠應詔舉則天朝為

鳳閣舍人忤旨流欽州中宗召還累遷工兵二部

侍郎弘文館學士睿宗以為中書侍郎知政事開

元初進中書令封燕國公尋出刺相州左轉岳州

仍召拜兵部尚書知政事又勅令巡邊後為集賢

院學士尚書左丞相卒諡文貞說為人敦氣義重

然諾喜延納後進朝廷大述作多出其手與蘇頌

號燕許大手筆謫岳州後詩益悽惋人謂得江山

之助集三十卷內詩九卷

原宋志同

今為六卷

辨子厚云張曲

江以比典之隙窮著作而不克備張燕公以著述
之餘攻比典而莫能極徐獻忠曰燕公精藻通
人數輩當世於綺麗鮮錯之中有神
綜獨運之美時體稍變華要並存

五言古詩一

奉和聖製賜諸州刺史應制以題座右

文明遍禹迹鰥寡達堯心正在親人守能令王澤
深朝廷多秀士鎔鍊比精金犀節同分命熊軒各
外臨聖主賦新詩穆若聽薰吟先言教為本次言
則是欽三時農不奪午夜犬無侵願使天宮內品
物遂浮沈寄情羣飛鶴千里一揚音共躡華胥夢
龔黃安足尋

奉和聖製送宇文融安輯戶口應制

至德臨天下，勞情邁九圍。
念茲人去本，蓬轉將何依。
外避征戍數，內傷親黨稀。
嗟不逢明盛，胡能照隱微。
栢臺簡行李，蘭殿錫朝衣。
別曲動秋風，恩令生春輝。
使出四海安，詔下萬心歸。
忤非夔龍佐，徒歌鴻鴈飛。

奉和聖製過晉陽宮應制

太原俗尚武，高皇初奮庸。
星軒三晉躔，土樂二一作

一堯封北風，遂舉鵬西河。
亦上龍至德，起王業繼明。
賴人雍六合，啓昌期再興。
廣聖蹤，傳呼大駕來。

文物如雲從連管火百里縱觀人千重翠華渡汾
水白日臨峯一作峯粉榆恩賞洽桑梓舊情恭往
運感不追清時情難逢詩發尊祖心頌刊盛德容
願君及春事迴輿綬萬邦

奉和聖製行次成臯

經世聖攝
建德之所

應制

夏氏階隋亂自言河朔雄王師進穀水兵氣臨山
東前掃成臯陣却下洛陽宮義合帝圖起威加天
禹同軒臺百年外虞典一巡中戰龍思王業倚馬
賦神功

奉和聖製溫湯對雪應制

瑞雪帶寒風寒風入陰瑄陰瑄方凝閉寒風復變
斷宮似瑤林匝庭如月華滿正賡一作揆續詞非

近溫湯

一作湯泉暖

奉和聖製義成校獵喜雪應制

文教資武功郊畋閱邦政不知仁育久徒看禽獸
盛夜霰氛埃滅朝日山川淨綽仗飛走繁桴絃筋
角勁帝射參神道龍馳合人性五豕連一發百中
皆先命勇爵均萬夫雄圖羅七聖星爲告符老雪
作豐年慶喜聽行獵詩威神入軍令

修書院學士奉勅宴梁王宅賦得樹字

唐書新錄
虎殿成鴻業猿巖題鳳賦既荷大君恩還蒙小山
遇秋吹迎絃管涼雲生竹樹共惜朱邸歡無辭洛
城暮

清明日詔宴寧王山池賦得飛字

今日清明宴佳境惜芳菲搖揚花雜下嬌轉鶯亂
飛綠渚傳歌榜紅橋度舞旂和風偏應律細雨不
霑衣承恩如改火春去春來歸

四月十三日詔宴寧王亭子賦得好字

何許承恩宴山亭風日好綠嫩鳴鶴洲陰穠鬪雞
道果思夏來茂花嫌春去早行樂無限時皇情及

芳草

雜詩四首

抱薰心恒焦舉旆心恒搖
天長地自久歡樂能幾
朝君看西陵樹歌舞爲誰嬌

山間苦積雨木落悲時遽
賞心凡幾人良辰在何
處觸石滿堂侈灑我終夕
慮客鳥懷主人銜花未
能去剖珠貴分明琢玉思
堅貞要君意如此終始
莫相輕

問子青霞意何事留朱軒
自言心遠俗未始迹辭
喧過蒙良時幸側息吏途
煩簪纓非宿好文史棄

前言夕卧北牕下夢歸南山園白雲慙幽谷清風
愧泉源十年茲賞廢佳期今復存掛冠謝朝侶星
駕別君門

默念羣疑起玄通百慮清初心滅陽豔復見湛虛
明悟滅心非盡求虛見後生應將無住法修道不
成名

夜坐

懷哉四壁時未有三都價百金誰見許斗酒難爲
貰落花生芳春孤月皎清夜復逢利交客題戶遙
相謝

聞雨

多雨絕塵事寥寥入太玄城陰疎復合簷滴斷還
連念我勞造化從來五十年誤將心狗物近得還
自然閒居草木侍虛室鬼神憐有時進美酒有時
汎清絃聲真不世識心醉豈言詮

河上公

尊師厭塵去精鬼知何明形氣不復生一作佳弟子
空傷情濟北神如在淮南藥未成共期終莫遂寥
落兩無成

五君詠五首

并序 紀事云說謫岳州嘗鬱鬱不樂時宰以說機辯才畧互

相排擯蘇頌方大用說與其父瓌善說因
爲五君詠以貽頌誠其使曰當候忌日近
暮送之是日近暮弔客至多先公僚舊頌
覽詩嗚咽流涕翌日對上大陳說忠正察
諤人望所屬不宜淪滯遐方上因降
璽書勞問俄遷荊州長史因加甄敘
達志美類刺異感義哀
事頌氏之心也擬焉

魏齊公元忠

齊公生人表迴天聞鶴唳清論早揣摩玄心晚超
詣入相廟廊靜出軍沙漠霽見深呂祿憂舉後陳
平計甘心除君惡足以報先帝

蘇許公瓌

許公信國楨克美具瞻情百事資朝問三章廣世

程處高心不有臨節自為名朱戶傳新戟青松拱

舊坐淒涼丞相府餘慶在玄成

王冷然為蘇頌上說書云相公五君

誅云淒涼丞相府餘慶在玄成蘇公一聞此詩移公於荆府積漸至相今蘇屈居益部公坐廟堂投

木報瓊義

將安在

李趙公嶠

李公實神敏才華乃天授睦親何用心處貴不忘

舊故事尊臺閣新詩冠宇宙在人忠所奉惡我誠

將宥南浦去莫歸嗟嗟茂孫秀

郭代公元振

代公舉鵬翼懸飛摩海霧志康天地屯適與雲雷

遇與喪一言決安危萬心注大勳書王府舛

一作窄

命淪江路勢傾北夏門哀靡東平樹

趙耿公彥昭

耿公山嶽秀

一作靈

才傑心

一作思遠神

亦妙鷲鳥峻標

立哀

一作良

玉扣

一作振

清調協贊休明啓恩華日月

照何意瑤臺雲風吹落江徼湘流下溇陽灑淚一

投弔

藥園宴武輅沙將軍賦得洛

東第乘餘興南園宴清洛文學引鄒枚歌鐘陳衛

霍風高大夫樹露下將軍藥待聞出塞還丹青

麟閣

夕宴房主簿舍

并序

旅聽清館崇扃嚴鑰巖雲暗山微月白夜悄羣
動之俱息感孤鴻之遠音有美房公霞海其量
友我以絲竹好我以樽俎紆蘊結之雅
懷豁幽曠之陳意滿堂既醉因賦是詩

歲晏關雍空風急河渭冰薄遊羈物役微尚愜遠
憑旅館月宿永閉扃雲思與伊人美脩夜朋酒惠
來稱交談既清雅琴吹亦淒凝不逢君寒澗幽意

長傳蒸

行從方秀川與劉評事文同宿

方秀美盤遊頻年降天旱水共伊川接山將闕門

斷捧日照恩華攀雲引疲散野宿霜入帳孤衾寒
不煖靜聞宮漏疎卧視庭月滿開爐命溫耐中夜
發清管風送關山長氣遒星歲短寓言情思愜適
興真意坦寰中病羈掛方外嫌縱誕願君樂盛時
無嗟帶纒緩

相州山池作

嘗懷謝公詠山水陶嘉月及此年衰徒看衆花
發觀魚樂何在聽鳥情都歇星漢流不停蓬萊去
難越鄴中秋麥秀淇上春雲沒日見塵物空如何

靜心闕

岳州作

夜夢雲關間從容簪履列朝遊洞庭上緬望京華
絕潦收江未清火退山更熱重歛視欲醉憎滿氣
如噎噎留魚鱉腥衣點蚊蚋血髮白思益壯心玄
用彌拙冠劔日苔蘚琴書坐廢撤唯有報恩字刻
意長不滅

岳州行郡竹籬

山鄰不溝郭荒居無翳壅愛人忠主利善守閉爲
勇苟非小勤瘁安得期逸寵板築恐土疎蓑城嫌
役重藩柵聊可固筠篁近易奉差池截浦沙繚繞

緣隈壠蠹似長雲亘森如高戟聳預絕豺狼憂知
兔牛羊恐閭里寬矯步榛藂恣踏躡始果遊處心
終日成閑拱

早霽南樓

山水佳新霽南樓翫初旭夜來枝半紅雨後洲全
綠四運相終始萬形分代續適臨青草湖再變一作
鼓黃鶯曲地穴穿東武江流下西蜀歌聞枉渚邇
舞見長沙促心阻意徒馳一作心遠神和生自足
白髮悲上春知常謝先欲居無陋

巡邊河北作

撫劍空餘勇，勢弧遂無力。老去事如何，據鞍長歎
息。故交索將盡，後進稀相識。獨憐半死心，尚有寒
松直。

石門墨山二山相連有禪堂觀天下絕境

困輪江上山，近在華容縣。常涉巴丘首，天晴遙可
見。佳遊屢前諾，芳月愆幽盼。及此符守移，歡言臨
道便。既攜賞心客，復有一作送行掾。竹徑入陰窅

松崖

一作
蘿

上空禱草共林一色雲，與峯萬變探窺

石門斷緣越沙澗，轉兩山勢爭雄峯。巘相顧，眇藥
妙靈仙寶境，華巖壑。選清都西淵，絕金地東敞。宴

池果接園畦風烟邈臺殿高尋去石頂曠覽天宇
遍千山紛滿目百川豁對面騎來雲氣迎人去鳥
聲戀長揖桃源士舉世同企羨

遊洞庭湖湘

緬邈洞庭岫蔥蒙水霧色宛在太湖中可望不可
卽剖竹守窮渚開門對奇城城池自縈籠纓綬爲
徽纏靡日不思往經時始願克飛棹越溟波維舟
恣攀陟竄篠人雲步崎嶇倚松息巖壇有鶴過壁
宇無人識滴石香乳溜垂崖靈草植玩幽輕霧阻
訝異忘噓道寒沙際水平霜樹籠烟直空宮闕莫

觀地道窺難測此處學金丹何人生羽翼誰傳九
光嬰幾拜三仙職紫氣徒想像清潭長渺默霓裳
若有來觀我雲峯側

秋夜遊澗湖

人事閒佳遊野情發山門送落照湖口昇微
月林尋猿狖居水戲龜鼉穴朔風吹飛鴈芳草亦
云歇

入海二首

棗桴入南海海曠不可臨茫茫失方面混混一作

如凝陰雲山相出沒天地互浮沈萬里無涯際云

何測廣深潮波自盈縮安得會虛心

海上三神山逍遙集眾仙靈心豈不同變化無常

全龍伯如人類一釣兩鰲懸一作金臺此淪沒玉

真時播遷問子勞何事江上江經年隰中生紅草

所美非美然

古泉驛於陵仲子宅也

昔聞陳仲子守義辭三公身賃妻織屨樂亦在其

中豈無窮賤苦羞與傾巧同長白臨河上於陵入

濟東我行弔遺跡感歎古泉空

至尉氏

夕次阮公臺嘯歌臨爽塏高名安足賴故物今皆
改吾兄昔茲邑遺愛稱賢宰桑中雉未飛屋上烏
猶在途逢舊叅吏城有同寮案望塵遠見迎一作遠見
感相拂館來欣待慈惠留千室友于存四海始知
魯衛間優劣相懸倍

江路憶郡

霧斂江早明星翻漢將沒卧聞峽猿響起視榜人
發倚棹攀岸篠憑船弄波月水宿厭洲渚晨光屢
揮忽林澤來不窮煙波去無歇結思笙竽里搖情
遊俠窟年貌不暫留歡愉及玄髮雲涓戀山海禽

馬懷燕越自非行役人安知慕城闕

過蜀道山

我行春三月山中百花开披林入峭徭攀蹬陟崔
嵬白雲半峯起清江出峽來誰知高深意緬邈心
幽哉

蜀路二首

雲埃夜澄廓山日曉晴鮮葉落蒼江岸鴻飛白露
天磷磷含水石冪冪覆林煙客心久無緒秋風殊
未然

徭蜀時未改別家鄉念盈憶昨出門日春風發鮮

榮及茲旋轅地秋風滿路生昏曉思魏闕夢寐還
秦京秦京開朱第魏闕垂紫纓幽獨玄虛閣不聞
人馬聲藝業爲君重名位爲君輕玉琴知調苦一作
寶鏡照膽清鷹饑常啄腥鳳饑亦待瓊於君自
有屬物外豈能輕

再使蜀道

眇眇葭萌道蒼蒼褒斜谷煙壑爭晦深雲山共重
複古來風塵子同眩望鄉目芸閣有儒生輜車倦
馳逐青春客岷嶺白露搖江服歲月鎮羈孤一作
山川俄一作反覆魚游戀深水鳥遷戀如何

別親愛坐去文章國蟋蟀鳴戶庭蠨蛸網琴箴

遊龍山靜勝寺

每上襄陽樓遙望雲山樹鬱茀吐岡嶺微蒙在煙

霧下車歲已成飾馬閑

一作問

餘步苦霜衰野草愛

日揚江煦雲對石上塔風吹

一作入

松下路禪室宴

三空神祠同六趣兒童共戲誰猿鳥相驚顧南識

桓公臺北望先賢墓世上人何在時間心不住唯

傳無盡燈可使有情悟

澠湖山寺

楚老遊山寺擬攜觀畫壁揚袂指辟支睦眄相闕

闕險哉透撞兒百金賭一擲成敗身自受傍人那
歎息

襄州景空寺題融上人蘭若

高名出漢陰禪閣跨香岑衆山皆圍繞長川復迴

臨雲峯曉靈

一作空

變風木夜虛吟碧湫龍池滿蒼

松虎徑深舊知青巖意

一作憶

偏入杳冥心何

飛錫從此脫朝簪

一柱觀

舊說江陵觀初疑神化來空山結雲閣綺靡隨風
迴奈何任一柱斯焉容衆材奇功非長世今餘草

露臺

冬日見牧牛人擔青草歸

塞上綿應折江南草可結欲持梅嶺花遠競榆關
雪日月無他照山川何頓別苟齊兩地心天問將

安

一作說

乙籤八十三張說之二

唐音統籤卷六十八

五言古詩二

和張監遊終南

宿懷終南意及此語雲峯夜闌竹澗靜曉望林嶺
重春煙生古石時鳥戲幽松豈無山中賞但畏心
莫從

答李伯魚桐竹

結廬桐竹下室邇人相深接垣分竹徑隔戶共桐
陰落花朝滿岸明月夜披林竹有龍鳴管桐留鳳
舞琴奇聲與高節非君誰賞心

代書答姜七崔九

婀娜金閨樹，離披野田草。雖殊兩地榮，幸共三春好。
好花殊鳥飛，處葉鏤蟲行。道真心獨感，人惆悵令人老。

贈崔公

我聞西漢日，四老南山幽。長歌紫芝秀，高卧白雲

浮朝野

一作市

光塵絕榛蕪，年貌秋一朝驅匹

一作

馬連轡

一作袂

入龍樓，昔遞高皇去。今從太子遊，行

藏惟聖節，福禍在人謀。卒能匡惠帝，豈不賴留侯。

事隨年代遠，名與圖籍留。平生欽

一作飲

淳德，慷慨

景前修螭蛤伺

一作
憇

陰兔蛟龍望斗牛無嗟異飛

伏同氣宰相求

贈趙公

冬
驥

湘東股肱守心與帝鄉期舟楫中途

一作
路

蹇風波

復來思嘉我常聯翼金貂侍玉墀迹叅前馬聖

黃
帝

遇牧馬童子
稱天師而退

名綴鸞熊師寒暑一何速山川遠間

之寧知洞庭上獨得平生時精意微絕簡從權討

妙基林壑為予請紛靄發華滋流賞忽已散驚帆

杳難追送君在南浦侘傺投此詞

贈趙詩卸

祿放跡異端偏荒事同寒苟志風波累俱會雲壑
踐險式壓西湖僑廬對南峴夜樓江月入朝幌山
雲捲山勢遠濤連江途斜漢轉坐嘯予多暇行吟
子獨善並躡躡郊郭方舟玩游演虛聲萬籟分水
色千里辨不知岸陰謝再見春露滋綠壤發欣顏
華年助蟲篆上世時難接古人情可選泊渚煩爲
媒多才怨成福長沙鵬作賦任道可知淺請從三
已心榮辱兩都遣

寄姚司馬

其君春種瓜本期清夏暑瓜成人已去失望將誰

語裏露摘香園感味懷心許偶逢西風便因之寄
鄂渚

代書寄吉十一

一鴈雪上飛值我衡陽道口衝離別字遠寄當歸
草目想春來遲心驚寒去早憶鄉乘羽翮慕侶盈
懷抱零落答故人將隨江樹老

代書寄薛四

孤鴈東飛來寄我紋與素紋足經三象素當綜羣
務遠見故人心一言重千金答之秋毛翰繼以瑤
華音歲寒衆木改松栢心常在

出湖寄趙冬曦

集作二首非

西泛平湖盡參差入斷山東瞻岳陽郡汗漫太虛

間窘步同行樂適文互磨看山戍上雲桂江亭臨

水關川途倏忽間風景依如昨湘浦未賜環荆門

猶主諾何時與美人

一作得余美

載酒遊宛洛

新都南亭送郭元振盧崇道

竹徑女蘿蹊蓮洲文石隄靜深人俗斷尋玩往還

迷碧潭秀初月素林驚夕棲褰幌納蟾影理琴聽

猿啼佳辰改宿昔勝寄坐蹊攜長懷賞心愛如玉

復如珪

送郭大夫元振再使吐蕃

大戎廢東獻漢使馳西極長策問曾渠猜阻自夷
殛容髮徂邊歲旌裘敝海色五年一見家妻子不
相識武庫兵猶動金方事未息遠圖待才智苦節
輸筋力脫刀贈分手書帶加餐食知君萬里侯立
功在異域

送李侍郎迴秀薛長史季同賦得水字

漢郡接胡庭幽并對烽壘旌旗按一作部曲文武

惟卿士薛公善籌畫李相威邊鄙中冀分兩河長
城各萬里藉馬黃花塞蒐兵白狼水勝敵在安人

為君汗青史

送王光庭

紀事云光庭與說最善故云

同居洛陽陌

經一作輕

日嬾相求及爾江湖去

念一作

別帳悠悠楚雲眇 羈翼海月倦行舟 愛而不可

見徒嗟芳歲流

別平一師

王子不事俗高駕眇

一作杳

難追茅上非屑盼傾城

無樂資宴坐深林中 三世同一時皎皎獨往心不

為塵網欺 竭來已復去 今去何來思迴首謝同行

勤會安請期

右常侍集賢學士徐公挽詞

歎息書林友才華天下選並賦三陽宮集詩集賢
殿具物衣如在咄嗟長不見旣哀薤露詞豈忘平
生眷

過漢南城歎古墳

舊國多陵墓荒涼無歲年洶湧蔽平岡泪若波濤
連上世千金子潛卧九重泉松栢翦無餘碑記滅
罔傳葬於不毛地咸謂楚先賢事盡情可識使人
心悵然

登九里臺是樊姬墓

楚國所以霸樊姬有力焉不懷沈尹祿誰進一作

叔敖賢萬化茫無在孤墳獨歸然北分陽臺陌南

識郢城阡漠漠渚宮樹蒼蒼雲夢田登高形勝出

訪古今名傳自我來符守因君樹蕙荃詩書將變

俗稀續忽彌年志闡三折後愁值二毛前佇立帝

京路搖心寄此篇

懷王墓

伊嘯不可信以此一作敗懷王客死堯關路返葬

峻江陽啼狄抱山月饑狐獵野霜一聞懷沙事千

載盡悲涼

山夜聞鐘

夜卧聞夜鐘
夜靜山更響
霜風吹寒月
竚篠虛中
上前聲既春
容後聲復晃
盪聽之如可
見尋之定
無像信知本
際空徒掛生
滅想

詠瓢

美酒酌懸瓢
真淳好相映
蝸房卷墮首
鶴頸抽長
柄雅色素而
黃虛心輕且
勁豈無雕刻
者貴此成
天性

詠鏡

寶鏡如明月
出自秦宮樣
隱起雙盤龍
銜珠儼相

向常恐君不察匣中委清量積翳掩菱花虛心蔽
塵狀儻蒙羅袖拂光生玉臺上

七言古詩

奉和聖製初入秦川路寒食應制

上陽柳色喚春歸臨渭桃花拂水飛總爲朝廷巡
幸去頓教京洛少光輝昨從分陝山南口馳道依
依漸花柳入關正投寒食前還京遂落清明後路
上天心重豫游御前恩賜特風流便幕那能鏤雞
子行宮善巧帖毛毬滑橋南渡花如撲麥壠草草
斷人目漢家行樹直新豐秦地驪山抱溫谷香池

春溜水初平預歡浴日照京城今歲隨宜過寒食

明一作來年倍宴作清明

安樂郡主花燭行

青宮朱邸翊皇闈玉葉瓊蕤發紫微姬姜本來舅

甥國卜筮俱道鳳凰飛星昂般冬獻吉日天桃穠

李遙相匹鸞車鳳一作輓風傳王子來龍樓月殿天孫

出乎臺火樹連上陽紫炬紅輪十二行丹爐飛鐵

馳炎燄炎震爍電吐明光綠輶一作屏紺幃紛如霧

節鼓清笳前啓路城隅靡靡稍東還橋上鱗鱗轉

南渡五方觀者聚中京四合塵煙漲洛城商女香

車珠結網天人寶馬玉繁纓百壺綠酒千斤肉太
道連延障錦軸先祝聖人壽萬年復禱宜家承百
祿珊瑚刻盤青玉樽因之假道入梁園梁園山竹
凝雲漢仰望高樓在天半翠幕蘭堂蘇合薰珠簾
掛戶水波紋別起芙蓉織成帳金縷鴛鴦兩相向
罽茵飾地承瑤履花燭分階移錦帳織女西垂隱
燭臺雙童連縷合歡杯藹藹綺庭嬪從列俄俄紅
粉扇中開黃金兩印雙花綬富貴婚姻古無有清
歌棠棣美王姬流化邦人正夫婦

時樂鳥篇

并序

伏見天恩以靈異鸚鵡及能延京所述篇出示
朝列臣按南海異物志有時樂鳥鳴云太平天
下有道則見驗其圖丹首紅臆朱冠綠翼鶯領
文背揉則五色今此鳥本南海貢來與鸚鵡狀
同而毛尾全異其心聰性辨護主報恩固非凡
禽實瑞經所謂時樂鳥延京雖敘其事未正其
名望編國史以彰聖瑞
源竊洞延京獻詩一首

舊傳南海出靈禽時樂名聞不可尋形貌乍同鸚

鵡類精神別稟鳳凰心千年待聖方輕舉萬里呈
才無伴侶紅茸糝繡好毛衣清冷謳鳴好言語內
人試取御衣牽啄手瞑聲不許前心願陽鳥恒保
日志嫌陰鶴欲凌天天情玩訝良無已察圖果見
祥經裏本持符瑞驗明王還用文章比君子自憐

弱羽詎堪珍喜共華篇來示人人見嚶嚶報恩鳥
多慙碌碌具官臣

離會曲

何處送客洛橋頭洛水汎汎中行舟可憐河樹葉
萋萋關關河鳥聲相思街鼓喧喧日將一作夕去
棹歸軒兩相迫何人送客故人情故人今夜何處
客

鄴都引

君不見魏武草創爭天祿羣雄睚眦相馳逐畫攜
壯士破堅陣夜接詞人賦華屋都邑繚繞西山陽

桑榆汗漫漳河曲城郭爲墟人代改但見西園明月在鄴傍高塚多貴臣娥眉暇睩一作曼滅共灰塵試上銅臺歌舞處唯有秋風愁殺人

城南亭作

刻馬朝歸連萬石稍門洞啓親迎客北堂珍重琥珀酒庭前列肆茱萸席長袖遲迴意緒多清商緩轉目騰波舊傳比翼侯家舞新出將雛主第歌漢家絳灌餘兵氣晉代浮虛安足貴正逢天下金鏡清偏加日飲醇醪意誰復遨遊不復歸閒庭莫畏不芳菲會待城南春色至竟將花柳拂羅衣

同趙侍御乾湖作

江南湖水咽山川春江溢入共湖連氣色紛淪橫
罩海波濤鼓怒上漫天鱗宗殼族嬉爲府弋叟鼠
師利焉聚歆帆側拖弄風口赴險臨深繞灣浦一
灣一浦悵邈邈千曲千澌恍迷哉乍見靈妃含笑
往復聞遊女怨歌來暑來寒往運涸沃潭生水落
移陵谷雲間墜翮散泥沙波上浮查棲樹木昨暮
飛霜下北津今朝行鴈度南濱處處溝洿清源竭
年年舊葦白頭新天地盈虛尚難保人間倚伏何
須道秋月晶晶汎澄瀾冬景青青步織草念君宿

昔觀物變安得踟蹰不衰老

巡邊在河北作

去年六月西河西今年六月北河北沙場積路何
為爾重氣輕生知許國人生在世能幾時壯年征
戰髮如絲會待安邊報明主作頌封山也未遲

造同蔡起居偃松篇

玉海開元初起居舍人蔡孚賦東都龍興觀偃

松篇玄宗賜和御書劉石紀之公卿以下
武和品彙截去後二句入律詩諸選因而

誤

清都衆木總榮分傳道孤松最出羣名接天庭長
景色氣連宮闕借氛氲懸池滴滴停華露偃蓋重

重拂瑞雲不惜流膏助仙鼎願將楨幹奉明君莫
比冥靈楚南樹朽老江邊代不聞

贈崔二安平公樂世詞

十五紅妝侍綺樓朝承握槊夜藏鈎君臣一意金
門寵兄弟雙飛玉殿遊寧知宿昔恩華樂變化瀟
湘離別愁地濕莓苔生舞袖江聲怨歎入篴篥自
憐京北雙眉嫵會待南來五馬留

雜體

送尹補闕元凱琴歌

公善琴
贈琴歌

鳳哉鳳哉啄琅玕飲瑤池棲崑崙之山哉中國有

聖人感和

一本無此字

氣飛來飛來自歌自舞先王冊

府麒麟之臺羈雌衆雜故山曲其鳴喈喈其鳴喈
喈欲往銜之歛去來去別鸞鳳心徘徊明年阿閣
栴桐花葉開羣飛鳳歸來羣飛鳳歸來

送考功武員外學士使嵩山置舍利塔

懷玉泉戀仁者寂滅真心不可見空留影塔崑崙巖
下寶王四海轉千輪金曇百粒送分身山中二月
娑羅會虛唄遙遙愁思人我念過去微塵劫與子
禪門同正法雖在神仙闕省間常持清淨蓮花葉
來亦好去亦好了觀車行馬不移當見菩提離煩

惱

乙籤八十三張說之三

唐音統籤卷六十九

五言律詩一

內酬宴五首
第一首排律

奉和聖製賜王公千秋鏡應制

寶鏡頒神節凝規寫聖情千秋題作字長壽帶為

名

以長綬為帶
取長壽之義

月向天邊下花從日裏生不承懸

象意誰辨照心明

奉和聖製過寧王宅應制

進酒忘憂觀簫韶喜降臨

一作
尋

帝堯敦族

一作
睦禮

王季友兄心竹院龍鳴笛梧宮鳳遶林大風將小

雅一字盡千金

奉和聖製同玉真公主過寧王山池題石壁

應制

綠竹初成苑丹砂欲化金乘龍與騃鳳歌吹滿山
林爽氣凝一作波迴寒光映浦深忘憂題此觀爲

樂賞同心

奉和聖製幸白鹿觀應制

洞府寒山曲天遊日旰迴披雲看石鏡拂雪上金
臺竹徑龍驂下松庭鶴轡來雙童還獻藥五色耀

懋材

奉和同皇太子過慈恩寺應制二首

翼翼宸恩永煌煌福地開離光升寶殿震氣繞香
臺上界幡花合中天技樂一作日月來願君無量壽仙
樂屢徘徊

朗朗神居峻軒軒瑞象威聖君成願果太子拂天
衣至樂三靈會深仁四皓歸還聞渦水曲更繞白
雲飛

奉和聖製途次陝州應制

周召嘗分陝詩書空復傳何知萬乘睠追賞二南
篇郡帶洪河側宮臨大道邊洛城將日近佳氣滿

山川

奉和聖製登驪山矚眺應制

寒山上半空臨眺盡寰中是日巡遊處晴光遠近
同川明分渭水樹暗辨新豐巖壑清音暮天歌起
大風

奉和聖製溫泉言志應制

溫谷媚新豐驪山橫半空湯池薰水殿翠木暖煙
宮起疾逾僊藥無私合聖功始知堯舜德心與萬
人同

奉和聖製送金城公主適西蕃應制

中宗時作

青海和親日潢星出降時戎王子婿寵

禮一作

漢國

舅家慈春野開離讌雲天起別詞空彈馬上曲詎
減鳳樓思

春和聖製同劉晃喜雨應制

青氣含春雨知從岱嶽來行雲避師出灑雨待車
迴厭泥塵清道空濛柳映臺最宜三五夜晴月九
重開

奉和聖製野次喜雨應制

寒更玉漏催曉色御一作帷前開泱漭雲陰積氤氳

風雪迴山如銀作甕宮見壁成臺欲驗豐年象飄
搖仙藻來

奉和聖製觀拔河俗戲應制

今歲好拖鈎橫街敞御樓長繩繫日住貫索挽河
流闕力頻催鼓爭都更上籌春來百種戲天意在

宜秋

玄宗詩序云俗傳此戲必致年豐故此云宜秋也

奉和聖製經鄒魯祭孔子應制

孔聖家鄒魯儒風藹典墳龍驂迴舊宅鳳德詠餘
芬入室神一作人如在升堂樂似聞懸知一王法今

日待明君

晦日侍宴滌水賦得濃字

中宗時作

千行發御柳一葉下僊筇青浦宸遊至朱城佳氣

濃雲霞交暮色草樹喜春容藹藹天旗轉清笳入九重

侍宴嵩山叢荷亭應制

迴鑿青岳觀帳殿紫煙峯仙路迎三鳥雲衢駐兩

龍園林看化

一作故

塔壇壇識餘封山外聞簫管還

如天上逢

侍宴武三思山第應制賦得風字韻

梁王池館好曉日鳳樓通竹町羅千衛蘭筵降雨宮清歌芳樹下妙舞落花中臣覺筵中聽還如大

國風

皇帝降誕日集賢殿賜宴

仲秋金帝起五日土行昭

一作標

瑞表壬寅露光傳

甲子宵陰風吹大澤夢日照昌朝不獨華封老千
年喜祝堯

恩制賜食於麗正殿書院宴賦得林字

東壁圖書府西垣翰墨林誦詩聞國政講易見天
心位竊和羹重恩叨醉酒深載歌春興曲情竭爲
知音

晦日詔宴永穆公主亭子賦得流字

堂邑山林美朝恩晦日遊園亭含淑氣竹樹繞春

流舞席千花妓歌船五彩樓羣歡與王澤歲歲滿

皇州

羽林恩召觀御書王太尉碑

隴首名公石來承聖札歸魚龍生意態鈎劍動鉞

輝字得神明保詞慙少女徽誰家羽林將又逐鳳

書飛

東都酺宴五首

并序

先天元祀孟冬十月東都留守韋公寅奉聖朝
述宜嘉會乃合洛京之五省招河伊之二縣將
史咸集佩章有序鏘鏘濟濟侃侃闔闔供張於
輿毅之門式酺宴也原夫樂生於心非因結風
之奏和達於氣無待陽春之節蓋澤之所及也
深則情之所感者遠國家天地一統君臣百年

朝榮舊德之序野賴先疇之業玄化漸漬洪恩
既久太上功德不宰夏后命子之初皇帝孝理
無為漢祖事親之日生堯舜於天屬見文武於
同時前古未逢斯人何幸是日六樂振作萬舞
苒弱鳥獸徘徊士女踴躍則知眾庶觀德之所
樂也旨酒絡繹大庖燔炙芳溢風煙醉流阡陌
又知衣冠之所適也由近而視遠萬國之慶皆
然自明而察幽三靈之欣可接若夫吟詠德澤
播越人聲斯固雅頌之餘波政教之遺美
凡我詞客安敢闕如賦詩展事垂列於後

堯舜傳天下同心致太平吾君內舉聖遠合至公

情錫命承丕業崇親享大名二天資廣運兩曜益

齊明道暢昆蟲樂恩深朽蠹榮皇輿久西幸留鎮

在東京合宴千官入分曹百戲呈樂來嫌景遽酒

著訝寒輕喜氣連雲閣歡呼動洛城人間知幾代

今日見河清

重華昇寶曆軒帝眇閒居政成天子孝俗返上皇
初忘味因觀樂歡心寄合醕自憐疲馬意戀戀主
恩餘

朱城塵暄滅翠幕景情開震震靈鼉起翔翔舞鳳

一作來雕盤裝草樹綺乘結樓臺共喜光華日酣

飲奉玉杯

曉月調金闕

一作鼓

朝暉對玉盤爭馳羣鳥散鬪伎

百花團遇聖人知幸承恩物自歡洛橋將舉燭醉
舞拂歸鞍

愷宴惟今席餘歡殊未窮入雲歌嫋嫋向日伎叢
叢駛管催酣典留關待曲終長安若爲樂應與萬
方同

道家四首奉勅撰

金壇啓曙闌真氣蕭微微落月銜仙竇初霞拂羽
衣香隨龍節下雲逐鳳簫飛暫往蓬萊戲千年始
一歸

窈窕流精觀深沈紫翠庭金奩調上藥寶案讀仙
經作賦看神雨乘槎辨客星稊應謝人俗輕舉託
雲駟

金爐承道訣玉牒啓玄機雲逐笙歌度星流宮殿
飛乘風嬉浩蕩窺月弄光輝惟有三山鶴應同千
載歸

道記開中籙真官表上清焚香三鳥至鍊藥九仙
成天上靈書下空中妙妓迎迎來出烟霧渺渺戲
蓬瀛

鳳樓尋勝地

西掖持醉酒東山就白雲開軒綠池映命席紫蘭
分舞度花爲伴鶯來管作羣太平多樂事春物共
氛氲

晦日

晦日嫌春淺江浦看湔衣道傍花欲合枝上鳥猶
歸共憶浮橋晚無人不醉歸寄書題此日鴈過洛
陽飛

崔禮部園亭

得深
字

竊窺留清館虛徐步晚陰水連伊闕近樹接夏陽
深柳蔓憐垂拂藤梢一作
苗愛上尋詩君軒蓋侶非

復俗人心

下江南向夔州

大明江霧歆洲浦棹歌來綠水逶迤去青山相向

開城臨蜀帝祀雲接楚王臺舊知巫山上遊子其
裴徊

還至端州驛前與高六別處

舊館分江口悽然望落暉相逢傳旅食臨別換征
衣昔記山川是今傷人代非往來皆此路生死不
同歸

深渡驛

一作張九齡詩

旅宿青山夜荒庭白露秋洞房懸月影高枕聽江
流猿響寒巖螢飛古驛樓他鄉對搖落併覺起
離憂

湘州北亭

人務南亭少風煙北院多山花迷徑路池水拂藤
蘿萍散魚時躍林幽鳥任一作歌悠然白雲意乘
興抱琴過

湘州九日城北亭子

西楚茱萸節淮南一作南淮戲馬臺寧知沅水上復有
菊花杯亭帳憑高出親遊自遠來短歌將急景同
使興情催

四月一日過江赴荊州

春色沅湘盡三年客始回夏雲隨北帆同日過江

來水漫荆門出山平郢路開比肩羊叔子千載豈
無才

岳州守歲

除夜清樽滿寒庭燎火多舞衣連臂拂醉坐合聲
歌至樂都忘我冥心自委和今也一作只如此來
歲知如何

岳州山城

山城豐日暇閉戶見天心東曠迎朝色西樓引夕
陰觀書千載近學靜二毛深忽有南風至吹君堂
上琴

與趙冬曦尹忝子均登南樓

危樓瀉洞湖積水照南隅
命駕邀漁父通家引鳳
雛山晴紅藥匝洲曉綠
苗鋪舉目思鄉縣春光定
不殊

秋夜遊澗湖

澗湖佳可遊旣近復能幽
林裏栖精舍山間轉去
舟鴈飛江月冷猿嘯野
風秋不是迷鄉客尋奇
處留

遊澗湖上寺

湖上奇峯積山中芳樹春
何知絕世境來遇賞心

人清舊巖前樂嘯嚶鳥獸馴靜言觀聽裏萬法自成輪

過庾信宅

蘭成追宋玉舊宅偶詞人筆湧江山氣文驕雲雨神包胥非救楚隨會反留秦獨有東陽守來嗟古

樹春

信小字蘭成包胥一聯用信哀江南賦中語結句則用信枯樹賦語也

荊州亭入朝

巫山雲雨峽湘水洞庭波九辯人猶擯三秋鴈始過旃裘吳地盡髻薦楚言多不果朝宗願其如江

漢何

幽州夜飲

涼風吹夜雨蕭瑟動寒林正有高堂宴能忘遲暮
心軍中宜劔舞塞上重笳音不作邊城將誰知恩
遇深

和魏僕射還鄉

富貴還鄉國光輝滿舊林秋風樹不靜君子歎何
深故老空懸劔鄰交日一作自散金衆芳搖落盡獨
有歲寒心

和張監觀赦

日御臨雙闕天街儼百神雷茲一作舒作解氣歲復

建寅春喜候開星驛歡聲發市人金環能作賦來
人管絃新

和朱使欣道峽似巫山之作二首

南土多爲寇西江盡畏途山行阻篁竹宿礙荏
霜使越才應有征蠻力豈無空傳人贈劍不見虎
銜珠

江勢連山遠天涯此夜愁霜空極天靜寒月帶江
流思起南征棹文高北望樓自憐如墜葉汎汎侶
仙舟

闕題

婚禮知無賀承家歎有輝親迎驥子躍吉兆鳳雛
飛溫席開華扇梁門換襲衣遙思桃李日應賦採

蘋歸

乙籤八十三張說之四

唐音統籤卷七十

五言律詩二

南中贈高六駸

北極辭明代南溟宅放臣丹誠由美盡白髮帶愁
新鳥墜炎洲氣花飛洛水春平生歌舞席誰憶不
歸人

岳州贈廣平公宋大夫

亞相本時英歸來復國楨朝推長孺直野慕隱之

清傳節還

一作迴

閩嶂皇恩

一作華

入漢京寧思江上

老歲宴獨

一作塞

無成

唐音統籤

卷七十

五十七

乙

盧巴驛聞張御史張判官欲到不得待留贈
之

旅竄南方遠傳聞北使來舊庭知玉樹合一作浦

識珠胎白髮因愁改一作丹誠心託夢迴皇恩

若再造為憶不然灰

翻着葛巾呈趙尹冬

昔日接離倒今我葛巾翻宿酒何時醒形骸不復
存忽聞有嘉客躡步出開門桃花春徑滿誤識武

陵源

寄天台司馬道士

世上求真客天台去不還傳聞有仙要夢寐在茲
山朱闕青霞斷瑤堂紫月閒何時枉飛鶴笙吹接
人閒

同王僕射山亭餞岑廣武義得言字

問道長岑令奮翼宰旅門長安東陌上送客滿朱
軒琴爵留佳境山池借好園茲遊恨不見別後綴

贈言

相州前池別許鄭二判官景先神力

數步圓塘水雙鴻戢羽儀一飛喬木上一返故林
垂淡泊含秋景虛明抱夜規無因留絕翰雲海意

差池

廣州蕭都督入朝過岳州宴餞得冬字

孤城抱大江節使往朝宗
果是臺中舊依然水上
逢京華遙比日疲老颯如冬
竊羨能言鳥銜恩向
九重

岳州別趙國公王十一珩入朝

昔濫貂蟬長同承雨露
霏今叅魚鱉守望美洞庭
歸浦樹懸秋影江雲繞
落暉離蒐似征帆

一作旆
又作鴈

恒往帝鄉飛

岳州別姚司馬紹之制許歸侍

和玉悲無已長沙宦不成天從扇枕願人遂倚門
情方外懷司馬江東憶步兵問君栖泊處空嶺夜
猿驚

岳州宴別潭州王熊二首

絲管清且哀一曲傾一杯氣將然諾直心向友朋
開古木無生意寒雲若死灰贈君芳桂尊爲植建
章臺

縉雲連省閣溝水遽西東然諾心猶在榮華歲不
同孤城臨楚塞遠樹入秦宮誰念三千里江潭一

老翁

後說入朝出鎮朔方王冷然引江潭老翁句致書與說譏其忘往日之棲遲貪暮年之富

貴

岳州別子均

離筵非讌喜別酒正銷魂
念汝猶童孺嗟予隔遠
藩津亭拔心草江路斷腸猿
他日將何見愁來獨倚門

南中別王陵成崇

握手與君別岐路贈一言
曹卿禮公子楚媪饋王
孫餞爾生六翮翻飛戾九門
常懷客鳥意會蒼主人恩

南中別陳七李十

二年共遊處一旦各西東請君聊駐馬看我轉征蓬
畫鷁愁南海離駒思北風何時似一作春鴈雙
入上林中

南中別蔣五岑向青州

老親依北海賤子棄南荒有淚皆成血無聲不斷
腸此中逢故友彼此送還鄉願作楓林一作葉隨

君度洛陽

端州別高六戩

異壤同羈竄途中喜共過愁多時舉酒勞罷或長
歌南海風潮壯西江瘴癘多於焉復分手此別傷

如何

幽州別陰長河行先

惠好交情重辛勤世事多荆南久爲別薊北遠來
過寄目雲中鳥留歡酒上歌影移聲復間遲暮兩
如何

送鄭大夫惟忠從公主入蕃

鳳吹遙將斷龍旗送欲還傾都邀節使傳酌緩離
顏春積沙連海秋城月對關和戎應賞魏定遠莫
辭班

送唐州高使君

中宗
時作

常時好閒獨朋舊少相過及爾宣風去方嗟別日
多淮流春晚晚汝海路蹉跎百歲屢分散歡言復
幾何

送崔二長史日知赴潞州

東山懷卧理南省悵悲翁共見前途促何如後會
同莫輕一筵宴明日半成空只爾離庭闕思歸迷

一作
同逐夢中

同賀八送兗公赴荊州

疇昔同聲友鶩飛出鳳池風雲一蕩薄日月屢參
差此別黃葉下前期安可知誰憐楚南樹不爲歲

寒移

送任御史江南發糧以賑河



姓

河朔人無歲荆南義廩開將興汎舟役必仗濟川

才花

一作夜

月臨江浦春雲歷楚臺調饑坐相望繡

服幾時迴

送王尚一嚴嶷二侍御赴司馬都督軍

漢掖通沙塞邊兵護草腓將行司馬令助以鐵冠

威白露鷹初下黃塵騎欲飛明年春酒熟留酌二

星歸

送李問政河北簡兵

斗酒貽朋愛踟躕出御溝依然四牡別更想八龍
遊密親仕燕冀連年適寇讐因君閩河朔垂淚語
幽州

送王羽林赴永昌令

將星移北極神雨避東京爲負剛腸譽還追疆項
名白雲向伊闕黃葉散昆明多謝絃歌宰稀聞桴
鼓聲

送岳州李十從軍桂州

送客之江上其人美且才風波萬里闊故舊十年
來劒拔蛟隨斷弓張鳥自摧楊橋書落落驛馬定

先廻

送薛植入京

青組言從史鴻都忽見求款言人向老飲別歲方
秋髣髴長安陌平生是舊遊何時復相遇宛在水
中流

嶺南送使

秋鴈逢春返流人何日歸將余去國淚灑子入鄉
衣饑犬啼相聚愁猿啼更飛南中不可問書此示
京畿

戲題草樹

忽驚石榴樹遠出渡江來戲問芭蕉葉何愁心不
開微霜拂宮桂淒吹掃庭槐榮盛更如此慙君獨
見哀

詠塵

仙浦生羅襪神京染素衣禪山期益峻照日幸增
輝夕伴龍媒合朝遊鳳輦歸獨憐范甑下思繞畫
梁飛

惠文太子挽歌詞二首

碣館英靈在瑤山美謚尊剪珪

一作
桐

悲曩戲攻玉

愴新恩官仗傳馳道朝衣送國門千秋穀門外明

月照西園

梁國深文雅
淮王愛道仙
帝歡同宴日
神奪上賓年
旒旒飛行樹
帷宮宿野烟
指言君愛弟
揮淚滿山川

節義太子楊妃挽歌二首

西華三公族
東闈五可才
玉環初受慶
金玦反逢災
桂殿花空落
桐園月自開
朝雲將暮雨
長繞望思臺

昔日三朝路
逶迤四望車
繡腰長命綺
隱髻連枝花
今春戾園樹
索然無歲華
共傷千載後
惟號一

王家

韋譙公挽歌二首

五端分王國，雙珠映后家。
文飛書上鳳，武結笥中蛇。
出豫榮前馬，迴鸞喪後車。
袞衣將錫命，泉路有光華。

國騁雙騏驥，庭儀兩鳳凰。
將星連相位，玉樹伴金鄉。
歌舞侯家豔，軒裘戚里光。
安知杜陵下，碑版已相望。

右丞相蘇公挽歌二首

王宰丹青化，春卿禮樂才。
緇衣傳舊職，華袞贈新

哀路泣羣官送山嘶駟馬迴佳城無白日賓閣有
青苔

門一作歌出野田冠帶寢窮泉萬事皆身外平生

尚目前西垣紫泥縛東岳白雲篇自惜同聲處從

今遂絕絃

崔尚書挽詞

相宅隆一作坤寶承家占海封庭中男執鴈門外

女乘龍鳴玉遊三省擬金侍九重一朝賓客散留

劍在青松

集賢徐公挽詞

堅

才美臨淄北名高淮海東羽儀三省遍漁獵五車
通玉殿孤新榜珠英落舊叢徒懸一寶劍何處訪
徐公

崔司業挽歌二首

海岱英靈氣膠庠禮樂資風流滿天下人物擅京
鄴疾起楊雄賦鬼遊謝客詩從今好文主遺恨不
同時

象設存華館威儀下墓田鳳池傷舊草麟史泣遺
編帷蓋墟煙沒干旌隴日懸古來埋玉樹流恨滿

山川

李工部挽歌三首

錦帳爲郎日金門待詔時
楊官先上賦栢殿幾連
詩瞬息琴歌斷淒涼簫挽悲
那堪灞陵岸迴首望
京師

宅兆西陵上平生雅志從
城臨丹闕近山望白雲
重會葬知元伯看碑識蔡邕
無由接神理揮涕望
一作 青松

常時好賓客永日對絃歌
是日歸泉下傷心無奈
何墓庭人已散祭處鳥來過
碑石生苔蘚榮名豈
復多

贈工部尚書馮公挽歌三首

忠鯁難爲事平生盡畏途如弦心自直秀木勢恒

孤詔葬南陵道神遊

一作遷

北斗樞貴門傳萬石餘

慶在雙珠

爵位題龍旒威儀出鳳城路傍人泣送門外馬嘶
迎萬事非吾有千悲是世情昔焉稱夏日今也謚

冬卿

宵然長夜臺舉世可哀哉泉戶一朝閉松風四面
來石碑填駁薜珠服聚塵埃遙望

一作誰言

遼東鶴千

年徃復廻

徐高御挽歌

蒲密遙千載鳴琴始一追公卿傳世範仁義續靈
基不待南遊祿何先北帝期玉棺從此閉金鼎代
相欺